

docriver 文川网  
入驻商家 古籍书城  
在文川网搜索古籍书城 获取更多电子书

中國方志叢書·華中地方·第一一號

據清·余良棟修·劉鳳苞纂  
清·光緒十八年刊本  
影印


湖 南 省

桃 源 縣 志

(一)

成文出版社有限公司印行

90/1025



中國方志叢書·華中地方·第一一二號


據清·余良棟修·劉鳳苞纂  
光緒十八年刊本  
影印

湖 南 省

桃 源 縣 志

(二)

成文出版社有限公司印行



\*10096981\*

中華民國五十九年 月壹一版

# 桃源縣志

全二册

發行人：**黃 成 助**

台北郵政信箱二二六〇五號

出版者：**成文出版社有限公司**

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：**東南印製廠有限公司**

和平西路二段70巷83弄29號

內政部登記證內版台業字第一一四七號

docsriver 文川网  
入驻商家 古籍书城

在文川网搜索古籍书城 获取更多电子书

柘源縣志

心緒十六年續  
參本齋志版

重修桃源縣志序

桃源舊志初始於前明嘉靖年萬歷中重為補葺鼎革之交  
編放缺矣順治康熙間父老感懷舊事將摺據之而浪瀟蕩  
適衝其隙不果居有頃焉嗣蒙明文教適昌邑先達羅紫羅侍  
御始據李彪白鈔本粗寫成帙縣令陳頤虛處或增補仍由侍  
御秉其成當是時是編不絕如帶蓋亦危矣越二十餘年天  
汪鳳麓來尹是邦侍御方賦閒居汪君比之歸然靈光敢請復  
修然後殿最錙銖去留毫芒校讎視前志加密焉嗣四十餘年  
薊門王襄實懼其久將就湮有孤涵虛鳳麓前令初心而侍  
御則悠然長往矣文孝廉曉峯起膺其責孤詣宏裁與侍御後  
先頡頏而是編乃燦然大備烏摩其亦禮樂中之明宏也乎自  
時厥後文君即世繼起無聞單文股義骨飽盡魚幸譚君負圖  
桃源縣志 卷之四 序一

作宰於七八十年後毅然以起衰為己任遠覽周咨舉廢續  
時則道光元年也凡夫義烈閱章清芳遠韻賴以不墜則譚君  
修明之力為尤偉又四十餘年後繼譚志者為楚北羅子慎而  
沙大令午峯揚廣文純田實左右之無如粵逆披猖之餘劫甚  
秦火而羅君起事無幾亦匆遽解組去故成書上之大吏未幾  
滿志焉夫輿圖廣狹戶口盛衰與夫城郭闕隘學校隄防之沿  
革變遷胥邑志乎是賴今距羅君又近三十寒暑矣天運人事  
日新月異紀載缺如後將屬楮良棟承乏斯篆凡新治善初義  
學建育嬰堂規復桃溪書院前後五六年間有關民瘼靡不捐  
廉振與矧志乘尤吏治之金鑑敢聽其殘缺廢墜而不知兢兢  
耶爰聘武陵劉采九太史總持鉛槧復佐以都人士之旁搜博  
采不期年而蕙其事書凡十二門計十六本後之任此者識民

情之遷摺考政治之得失緩急皆於是而倘結是而為循良  
躋邑民於福社而匡余聽視所不逮良棟不佞竊其而錄之時  
光緒十八年歲次壬辰嘉平月既望  
前四品銜賞戴花翎知桃源縣事蜀東余良棟芹塘氏撰

桃源縣志 卷之四 序一

先備有言莫爲之前雖美而不彰莫爲之後雖盛而不傳凡事  
 然而於志乘爲尤切今之郡縣有志即周官小史所掌邦國  
 之志也至班氏爲十志而地理居其一范蔚宗改名郡國實與  
 地理無殊唐元和郡縣志宋元豐九域志皆專志地理樂氏太  
 平寰宇記乃及人物藝文於是記錄詳而體例備矣夫疆域山  
 川歷久不免遷變風土人物逾時亦有轉移其沿革不本舊聞  
 則無所術其興衰不加纂輯則多所遺桃邑之有志自前明萬  
 曆時創修以來迄道光辛巳譚贊國大令修之始變其例總爲  
 四門其法非不簡約惟子目太繁稽考頗煩縷繆同治己巳經  
 修仍其舊其書未盡善蓋待訂正也余君芹塘明府蒞任數載  
 百廢具興復念邑志未修非所以備典章而資考鏡爰集士紳  
 籌議備加採訪迺聘予同年劉君采九觀察爲總纂觀察時方  
 主講朗江以其暇來此編集筆者刪之譏者正之弁鄙音韻色  
 之彼夫炫奇而爲詰屈之詞飾美而徇唯阿之俗辨駁失  
 之臆斷矜宏博或誤於傳聞考訂未嘗折衷名實致不相副烏  
 足以信今傳後哉茲志蓋有以斟酌之矣抑更有說焉邑之有  
 志非徒以供省觀也將使司牧者察其山川關隘而符所以  
 防核其戶口物產而謀所以生聚見其節義人才而思所以  
 勸培養綜其壇廟秩祀而求所以崇奉馨香成民而致力於  
 得於是乎在其關係豈淺鮮哉至甲子稱盛於先朝藝文擅場  
 於仕哲鄉賢之遺型具在詩書之流澤常存爲士者尤當景仰  
 芳徽砥礪名節維持風化鍊達才猷而處爲閭里共成之品出

桃源縣志

卷之首

國家大用之才御以興起人文增輝志乘所謂言論蓋世者有先  
 達爲之首先強後世者有後進爲之後於邑人有厚望焉  
 司鐸此邦聯及六載自慙謏陋無補涓埃幸邑志之修成爲  
 文初核與之集不禁鼓舞欣謹抒管見前爲之序  
 加五品名揮選知縣湖南常德府桃源縣候補知縣陳維祺撰

桃源縣志

卷之首



凡邑志之修明關乎運會或遲至數十年以後甚或遲至百餘年而始一舉行非守土者執掌簿書絕不留心於志乘則皆世變為之也明萬曆以前舊志無復有存焉者江淥羅開楊公諸君子皆良史才非不能出其所學以續遺新乃流寇煽亂湖湘沅澧一帶皆為戎馬之場當是時烽火殷天鼓擊動地文人學士皆避寇山中雖欲從事鉛槧得乎及我

朝定鼎以來又以吳藩之變軍書絡繹邑境適當其衝令斯土者奔走供餉之不便何暇商訂志書哉迨康熙中肅清滇境桃之其始得安輯其至家邑先達羅紫羅侍御乃纂集舊聞網羅佚事雄筆高蹈以成前賢未竟一功邑大夫攜李陳公銳意上修亦似有不容稍緩者此邑志之所由權輿也迨其後一修再

桃源縣志 卷之首 序三

修皆侍御苦心編輯終始其間迄二十年始臻完密志成侍御亦旋歸道出深慮遺文之零落墜緒茫茫不可復振乃又有曉翠文君繼起於雍正年間續修志書兩公先後相望殫守缺著為一代鴻篇而邑令又樂成其事運會所值豈偶然哉嗣是百餘年人民安堵烽燧不驚賢令君捧檄仙源駐馬徘徊江山如畫人事代新未聞有起而興修縣志者承平日久此事猶難於創始而一聽其廢弛有心者不能無世道之憂道光元年滇西譚箕園蒞茲土毅然以振興廢墜為己任尅期纂集舊志重新一若名山石室之藏造物特留以有待而於譚君一洩其善華前邑令羅子機踵事增修相距僅二十餘年體例規模有護志以為之先導故其事易於觀成也今距羅君修志之時又二十餘年矣官與紳屢議修復未果行而蜀東余芹塘 令獨捐

廉以成善舉屬予為之纂定選編予既慕桃源山水之靈奧命棹往遊尤樂觀其政蹟之賢勞民風之淳樸足以臻上考而應頌聲運會亦於是乎有轉機也志乘之修殆猶創首之一快也夫書成因為之序

賜進士出身翰林院庶吉士 國史館協修二品銜前雲南補用道 武陵劉鳳苞采九氏撰

桃源縣志 卷之首 序三

明萬曆初年纂修

天啟三年補刻

李彪自抄本

康熙四年乙巳

主修 知縣陳洪範

纂輯 邑人羅人琮

序一

修桃源縣志書成蓋屬草者紳羅君人琮省成者令陳君洪範也前制既竣俾掌故呈書示余且請為序余讀既卒業作而歎曰命若細豈不誠費乎哉夫禹貢不傳九州之士宜不辨思

桃源縣志

卷之首

序

禮不記則六官之職守不明是以周官諸侯皆去柱下之籍漢興賈相先收秦府之圖志之所存者甚重也今桃邑當干戈闢漫之餘百度彫殘之日戶口之實亡未隸賦稅之冗雜未清而首以稽古為事俾一邑之文獻不致泯沒以考其源流傳其興廢豈不為知先務哉夫該之有志於其地之譜善為之者皆得心應手固不盡出於諸然而亦非謂無以致其工為難者時勢異宜先後異績亦不能盡合於志而志之所載人物賢愚之跡應俗遺倫之因民物損益之端文員感其之故可以觀而得其大要之戶存前有作者固可考其善之法成後有作者亦不能外先哲之典型則斯志也亦可以已余有志於闡世之志矣絲繡旅煩與日不遠於是為明志而南商勤勤茲舉誠有先獲我心者抑余因是而感焉桃邑舊屬武陵其以是

得者之也以遊秦人德也余嘗以使輅之暇造其幽邃如淵明

所記者亦屢噴遊人之屐矣即所云田池雖犬縣令今得問其

肥瘠驗其稔歉而籍征之矣使再有苛政深山絕壁更在何處

復得飄然以去也然則為治於斯者顧名思義可以懼然深省

哉與其使吾民避而疑仙以長子孫付漢晉於不知何如使吾

民還而為氓以長子孫歌帝力之何有歟近悅遠來夫子所以

論楚吏也吾亦欲舉以告今之為楚吏者因序志而及之

分巡湖北道湖廣布政司參議兼按察司副使延陵陳士本撰

序二

天下固有一事焉置之若以為迂闊而遠於事情存之則輻重

而有裨於政治者邑之有志是也昔孔子雖從周而文必監於

二代又每於夏殷之禮致感於文獻之不足非獨儒者令人與

桃源縣志

卷之首

序

二

居古人與稽以是徵去也惟夫吏治之得失風俗之消滴人物之臧否禮樂之興廢或數十年有一變或百年而一變前有為傳後有為繼則志之所為不可不也桃源故屬武陵其得今名則以淵明記漁人事始謂之仙邑顧為志者遠不可考已自萬曆年間修志後遂無志之可言也夫志者國之將衰也必先毀其制豈不痛哉

清興二十餘載志之從新者多矣夫有志而無者况值兵燹頻仍書未錄卷終未思雖乘亦關焉而茂宰橋李陳君獨能為於是舉其用意深遠視夫沾沾以簿書期會為能盡職者何啻霄壤也固備培遠汎浪湧而笑增井哉然非德邑之賢也固亦不為羅氏實司鉛槧羅君以辛丑名進士受詮注歸讀書山中二百之藏搜摭幾盡是為拮拾遺文包羅散佚以成茲不

朽業而令君獲之若環寶在抱不肯讓人亦不欲掩其光怪  
付之梓天之將與斯文歟何紳與令有磁城之應水乳之合也  
由此而知令之虛已從人其相與以成善治也有如此志矣志  
中詩歌起自騷伏波記傳起自陶靖節代有名人讀之若披雲  
霞展綉飾其子驥之懷抱者雖微問津恍已置身桃花開矣喜  
書數語以繫其後

賜進士出身湖廣常德府推官淮南潘滋樹佑人氏題

序三

文學而切於吏治者非郡邑之志歟其山川險易足以規登涉  
之憂喜即以覘政事之得失矣若夫人物臧否古今懲勸之所  
寓也農田水利戶口賦役其興革繁簡又司牧者之鑒視存焉  
歷代統一區宇必命史氏參訂方輿以垂示宏業而邑志實基  
桃源縣志 卷之首 原序 三

其始分之而各志其志然後合之而統一其志志之關於吏治  
詎不重歟楚桃風號仙邑古人望此以避世乃余自

今上癸卯冬來令茲土值二十年鋒鏑之餘尙有遠近之遺孽未淨  
此儻之寤懷盈途一切奇勝靈幻之迹觸目俱成愁境不驗年  
而邀

朝廷之福者定永清又賴上臺指誨治術緩賦均徭舉二十年長  
楚之歌漸成鴻飛百堵向之觸目成愁者又覺奇勝靈幻種種  
桑麻鷄犬之色復堪動人欣慕矣夫同此山川而憂喜頓易則  
存名徵實凡耳目所不能周甯得不求之記載况乎賦否勸懲  
興革繁簡非稽諸典故烏得云師心自用暗合古人也余簿書  
叢沓中恒留心以購遺志而故家遺俗淪亡殆盡求諸野老亦  
鮮有存焉者忽一日訪之紫蘿先生如在孔壁中間金石絲竹

響出其頻年遷徙往來所懷抱不釋之鈔志而共商削刷余深  
幸得所鑒視以副余不敢師心之志乃猶以史事濡遲未遽付  
梓會上臺以西事既平勤修文獻檄行全楚而桃以夙稱仙邑  
多奇勝靈幻之故尤孜孜下詢遂毅然鳩工與紫蘿氏共相覓  
業要其旁搜博採斟酌損益則盡屬紫蘿氏之功余不敢擅竊  
惟是案牘紛繁中恒存此以自鏡則所謂吏治文學以相關誠  
區區素志云耳書成爰敬爲之序知縣橋李陳洪範題

序四

郡邑莫不有志蓋昉於班固之志地理所以總覽前聞徵信當  
代也明成化申詔儒臣纂修一統志囊括稱盛然皆於郡自爲  
紀邑自爲載者取之郡主合邑主專合主簡專主詳惟專且詳  
張本具矣故邑志尤重若乃合計天下之邑山川人物有平奇  
桃源縣志 卷之首 原序 四

多寡之不同邑亦因之以分甲乙焉而鋪張塗飾之弊起後之  
覽者循文考實什一不符則妄什二三不符則愈妄誰操寸管  
將所爲直道良史古人真不相及歟余邑舊志成於萬歷初年  
其後無所記識又兵燹遞加天啟三年補刻復多殘缺儻殘缺  
僅存之帙終不可保必使高人尋幽訪勝博士稽蹟覈名軒軒  
觀風問俗循良察吏究善罔弗望洋而歎勸懲無所著觀感無  
所由吾黨之責其何能辭余假旋逾年閉戶冥搜抱膝孤吟念  
此耿耿用是經營舊志條其錯亂補其散失去其繁蕪訂其差  
謬添載數十年之逸事哀集古今名人之詩文旁搜遠覽僅乃  
成書至於山川靈幻古今難稱人物瑰奇譚言色起標蹟必備  
嘉善弗阿匪敢貽譏庶幾近實適會邑侯陳公涵虛銳意振興  
百廢漸舉爰徵文獻捐俸付梓遂稱美觀

本朝幅員加廣遠過勝國文教宣訖霞布雲蒸必將表統之盛據

明志所未及石渠天祿之間清濟皇皇土壤細流誰無同心又

南劉余輩念此耿耿已哉邑人羅人璋紫羅氏題於最古園

康熙二十四年乙丑

主修 知縣汪 此

纂修 邑人羅人璋

同修 邑人羅天

夏后正域輒有禹貢周官辨土用載職方帝王遞興紀載不一

要皆考正輒索刊定圖籍所以奠中邦而大一統也然九州異

宜四方殊尚志誌風土端自郡縣始我

桃源縣志 卷之首 五

世祖章帝定鼎以來東西漸被南朝暨乾幅員之廣前代莫之與

京順治中葉 命天下郡邑纂修志書及我

皇上崇節節航之俗盡入版圖之區咸歸正朔於是

申命天下郡邑搜集勝國逸事以備合志一統之頁時余備員楚

之桃源督修之檄屢下而遲遲未及竣事者緣是南地當偏隅

國初歸誠既後中間又為尉佗逆命盛弱歷年兵燹府加文獻

無徵而詢之故老訪之傳聞又百不符什一紫羅先生邑博雅

君子也烽煙槍攘之餘獨抱孤懷與前令陳君共修縣志藏之

深山借亂削平陵谷遷改而此冊歸然如靈光獨存於是出諸

枕秘抄授一冊因與刪繁訂要考信闕疑殘缺者補失次者序

舉凡建置之沿革時政之得失土田之墾蕪戶口之凋聚以及

習尚淳漓人物盛衰靡不開卷瞭然而治之有關於吏治者且

矣他如孝子順孫義夫節婦名宦鄉賢流羽士有善必錄無

微弗著而志之有關於風教者具矣若夫山川名勝所在郡有

而最著者無過秦人一洞自魏晉以下遊屐風喧故名人韻士

題詠尤多於是歌自伏波以下傳記自靖節以下悉採入志

中以資輯軒問俗之奇而志之有裨於登涉者具矣至於訪求

典故搜輯遺聞折衷前疑潤色時義則羅君紫羅實司鉛槧余

不敏僅考其成而已抑余猶有說焉方今

聖天子留心民瘼凡各上憲加意撫綏宜桃源民家可給而戶可封乃

瘡痍猶未即起者何也蓋桃本荒僻加以蹂躪臂之厄風病廢

之人元氣殆盡善為醫者不必投以參苓但優游醫以養其

腸胃則民氣可得而調矣若復攻之以鍼灸投之以砒礪吾恐

治之愈急而病將日益深而不可救棄休養生息之道是在官

桃源縣志 卷之首 六

茲土者優游而饜飲之桃民其庶有瘳乎因志成授梓敬述數

言於簡端用是自矢且以遺諸後賢云

賜進士出身知桃源縣事天都汪虬鳳麓氏撰

序二

志異史而與史並列蓋始於禹貢詳於周禮班固以下遞相祖

述郡邑之志即職方所掌也史記事明是非定賞罰志則記其

沿革疆域山川古蹟財賦土俗治亂災祥政績人物節孝文童

雖專稱志史之道實式備之操筆者苟輕其事踳駁牴牾論舛

挂漏使覽者遺憾其何以觀焉桃彈丸邑耳為避秦故處頗多

名勝海內艷慕邑乘視他屬為重 國初兵燹頻仍萬曆初年

所編存者什僅一二余旁搜遠覽蒐集往略添續遺踪訂正差

錯改易唯難眾條舉舉一目瞭然會邑侯陳君授梓遂成完書

聖祖仁皇帝天寶神靈垂裳六十餘年久道化成風醇俗美其仁育義

皇上治定功成振興文教命儒臣纂修一統志爰徵直省通志下索

郡縣僅以鈔本應徵魯魚豕豕脫誤頗多頃當寧旨意獻與

備增修色侯汪君鳳龍見訪於余余固謝絕一切幾於草木忘

情筆墨之務自關夙緣况係舊纂尤無容辭於是更加損益對

酌見關難著一十年內所未備汪君復以長才遂學重加校訂

仍為四卷指費選工數月卒業此蓋與舉廢墜得於政通人和

之餘至於保殘守缺討論潤色之未盡誰司鉛槧余愧甚抑余

嘗有志勝國之史矣隨季世諸野乘及通紀廣彙紀等書揆所

耳目合之何論其間比擬非倫毀譽失真彼此易事前後鮮據

往往有之豈非徇朋黨之意挾愛憎之私憑譽學之虛文信傳

謂之臆說乎推之往代所稱董狐良史洵難其人彈丸雖小載

賜進士原任四川道監察御史邑人羅人珠紫羅甫題於最古園之

籍匪輕居今監古真直枉之辨能勿凜然

涉題亭 雍正七年己酉

主修 知縣王頁齋

纂修 邑人文 略

同修 邑人羅天綸

同修 邑人熊逢吉

序一

粵自太史氏參訂方輿昭示宏業其紀載形勝風土人物文章

諸所聚實大都自郡邑始邑乘之由來舊矣然必前有為傳後

有為繼文獻乃不大至於有缺我

國家運應龍飛奄有中外創業垂統奠麗河山迄我

正之善教已自浹髓滄肌矣欽逢我

皇上續承

大統紹述休明舉凡文物典章自會典條教以迄圖書律例諸籍

靡不親加釐定悉求盡善為萬世楷模又復

申命各省大吏纂修通志以臻重書統備之盛由是所隸州縣亦各

搜羅載籍以俟合參在邑乘之難詳誠非淺鮮也桃源為常郡

屬邑原隸武陵自有遼秦紀事遂及今名且為海內馳慕其形

勝風土人物文章歷傳未嘗無志乃兵燹之後杳矣無徵類紫

蘿氏與前司牧陳汪兩公先後纂輯集成卷帙而桃源邑乘仍

獲秩然可觀矣但其舉事一在乙巳之歲一在乙丑之紀其去

桃源縣志

卷之首 原序

今則又六十餘年與四十餘年之前事中間豈無缺置及應需

增續以待繼起之搜求討論者適士紳文君曉峯邑中之通儒

也憑其素抱蘊積不憚夫續修之舉且毅然以為己任因與其

同志宿學熊君怡雲羅君慎菴搜輯遺聞折衷考較將有成局

就商於余余方以試用之命甫縮半通民事勞役不遑日昃於

此中探索之功尙須有待而文君等已勤勤是舉比誠先獲我

心者矣抑余尤有說焉邑乘者吏治風教之所觀成也有不刊

之書必先有不磨之績余既忝牧茲土其間之山川古蹟與夫

農田水利戶口賦役士習民風以及忠孝節義所稱形勝風土

人物文章者自必精詳畢達推類盡神務期治與時宜民安事

易頌廉懦立母忝先勞上可以端簡拜騰恭副

聖天子留心民瘼之盛德下藉以觀型撫字得效良有司咸熙庶績

之章程正在於此也豈第爲一時紀載之虛文云爾哉是爲序  
義門王良弼撰實氏題

道光元年辛巳

主修 知縣譚 震

同修 教諭楊先鐸

同修 訓導王步雲

總修 巴陵方 莖

纂修 邑人文運陞

纂修 邑人文運昌

序一

天下有物地載之古今有事史載之邑於地處之一粟志於史  
身之一體也一體而貽乎疆域山川之界學校兵刑之制忠孝

桃源縣志

卷之首

原序

九

節義人物之英多金石詩賦藝文之闕富惟賢士大夫有牧民  
成俗之責者徵人事論天運學也而政治繫焉自晉陶靖節有  
桃源之說或者以爲荒唐然逮宋乾德中且析武陵之屬而邑  
以建今讀淵明之詩曰清薄既異源旋復還幽蔽俗之薄也其  
源未嘗不厚華其薄而返之使歸於厚此有道者能之易三百  
八十四爻稱仁者一復之初卽剝之上碩果不食是也當剝且  
極變而純陰於十月之卦屬亥先以亥從木爲核繼以子從果  
爲仁而泉之自山下出也其象蒙其基聖源焉耳然則靖節載  
筆豈不以人心俗尚之厚有取於桃之核中有仁而天一相生  
則在不汨其源以迄於盛大洪惟我

聖朝仁風遐邇常郡所屆稱盛於楚余按試道經桃源境環則沅水  
拱則葦蘿高吾峙其東白馬踞其西遐阡直繩邇陌如咫嗚然

歎向之所謂無間津者由庚普化胥蕩乎也豈圖明府既莅茲  
土三載政成人和百廢修舉庶幾志之日就剝蝕也修輯之加  
詳焉烏序夫亦可知政也已明府將以卓薦入都來請曰願有  
敘余樂其政俗之厚而又願邦人士之恪承勿替也故爲序其  
端以誌來者時道光元年辛巳秋九月

賜進士出身日講起居注官翰林院侍講教習庶吉士提督湖南學  
政晉江許邦光撰

序二

邑之有志非徒辨疆域考沿革爲殫洽見聞之助也將以規風  
俗之純駁稽政教之得失示標準興勸懲治究其本原澤遺乎  
久遠顧知此者難其人俗吏無論已卽有一二賢明之宰或以  
塵勞鞅掌未暇及焉修而明之因時而損益之犁然大備燦然

桃源縣志

卷之首

原序

十

可觀誠賢有司哉楚南桃源縣志草創於明萬曆間康熙乙巳  
乙丑重修者再至雍正已酉始成書距今九十餘年官斯土者  
不下數十人未有增緝之者邑於明季爲用武之地闕獻二賊  
先後據澧州侵邑境民鮮安處  
國朝蕩平疆土時又有吳應奇據長龍關與官軍持久不下四起  
烽煙軍書旁午人人講武以自衛故俗流於剽悍而不自知舊  
志之成治平未久文獻無徵多缺而未備覽者憾焉余守朗城  
之次年因公事至邑譚君復園爲邑宰相與披閱舊志按其圖  
記稽其人物慨然歎曰昔馳驅戎馬之場今環繞桑麻之植昔  
稱起起干城之選今盡彬彬儒雅之林非  
國家深仁厚澤涵濡於數百年之久其能致此乎亟宜書之簡  
牒以備輶軒之採時復園方欲重修邑志聞余言而躍然起曰

謹受命譚君名震復園其自號雲南永北應人爲余同年張南  
崧銀臺典試所得士銀臺數稱其賢余故未識面而心儀之下  
車相見權若平生詢之僚人及邑中紳士耆老以逮編氓無不  
稱令之賢者知銀臺之非虛譽也蒞任三年遇事無苟且與民  
休養生息訟獄以簡百廢具興茲屆 計典余臚列其居官之  
實政以聞於上臺上臺以聞於

天子詔許入觀志書適成請敘於余余覽其大概約其旨趣援引核  
實顯微闡幽於邑之風俗政教尤詳且悉焉其深得化民成俗  
之要歟復園歸美於文孝廉方明經革編纂之功余謂非主修  
者苦心孤詣不及此也時卸篆來郡士民擔簦相送作詩歌文  
詞以揄揚美政者百餘人既刊刻成帙他日宜列之志後以記  
一時之盛云道光元年八月上泮

桃源縣志

卷之首

原序

上

湖南常德府知府前禮部儀制主客二司掌印郎中  
隨帶加二級紀錄七次長洲彭希鄭撰

序三

桃邑前漢臨沅縣地後漢建武中分置沅南縣陶淵明作桃花  
源記或謂之仙源仙乎仙乎邑何由得此稱也淵明記殆寓言  
之今秋桃邑譚公復園以政最卓薦入都引

見謙奉檄委署任甫下車書呈邑志知係復園修輯藉悉斯邑之  
疆域山川古蹟與夫農田學校戶口賦役士習民風以及忠孝  
節義莫不畢備固未修言仙蹟也夫志爲紀載之書上自天文  
下至地輿惟中人事尤詳彙覈貫貫豈誇多闕靡哉亦謂覽一  
邑之志即可得治一邑之方茲桃邑舊志既無傳後雖纂修已  
隔百餘年若僅踵而成之因陋就簡不思人事日新而月異往

迹世遠而年湮自非搜討舊聞網羅散佚酌損益之宜而極  
裁之善何與纂修觀斯志也殆所謂繼創爲因繼因爲創守此  
土者皆藉以知敷政之方矣余蒞桃亦閱月熟察夫士習民情  
悉歸敦龐樸茂皆由我

國家

聖聖相承涵濡教澤之人人爲至深故雖地近苗疆而漸摩日久論  
浹益周吁何其盛也聞嘗因公過各村見耕者耕讀耆讀昇平  
無事坐見於桑麻阡陌之間雞犬相聞優游於安飽嬉遊之樂  
是又得之目觀神怡儼引入入仙境也淵明記豈虛言哉即謂  
桃源爲仙源可是爲敘道光元年七月  
署桃源知縣丁卯科舉人五涼王德謙撰

序四

桃源縣志

卷之首

原序

上

禹貢詳山川不詳風俗幽風紀物產不紀人才魯史則偶及祲  
祥漢書則不遺雜傳其宏文奧義類皆治世之獻而爲政者所  
當法今之縣令卽古之侯伯提封百里因革何由而裁教養何  
由而興則非詳覽邑乘不爲功邑自淵明作記人爭觀之我  
朝幅員邁前古厚澤覃敷避秦人久安淳樸矣第當滇黔之衝明  
季遭燹火舊志無傳自康熙雍正間始纂成書及今又百餘年  
矣人事日新景物日盛生今不輯後將焉考且舊志浸渙薄蝕  
竟無一字則雖有圖治者亦無自執其極成寅歲余任斯邑間  
覽周遭雞犬桑麻隨處與淵明所記不殊又何必專指秦人古  
洞爲漁人所至地哉但昔稱仙令今號塵區又民多好訟治者  
難之竊思直道而行今不異古因隨時隨事廣爲引喻民皆安  
余之拙而爭訟之風於焉稍息且科第蟬聯義行鴻起又



官署院塔功績下及橋梁道路皆樂輸成功則更宜志乃就之  
李康為仲所妙本延遠家方由事纂修余定其成於執筆之餘  
自庚辰春至辛巳夏告竣絕者復續隱者俱顯洞天福地幽  
奇畢按圖可考也義夫節婦孝子忠臣蹟名知與也戶口賦役  
農田學校秩然若立呼也碑銘篆刻詩歌文辭燦然若披錦也  
前人之塵蹟益明後人之考稽有據於以備輶軒之採於以啟  
勸懲之心予古者懷伏波之孤忠覽勝者識聚窟之遺愛斯足  
為白鵲也哉雖然古稱移風易俗類非俗吏所能為余日事簿  
書望古循吏而多慚且履任三載又將北上桃之士民其果能  
遵吾教令互相勸勉直使戶盡可封勿負我

又豈特扶輿科取顯宦為人才輩出之徵哉至詳略異同已載  
桃源縣志 卷之首 原序

各條中不費錄是為序道光元年歲次辛巳  
授文林郎知常德府桃源縣事戊辰科同考試官加十級紀錄十  
四次卓異候陞漢西譚 震撰

序五

壬午冬縣市火月黑風颶延燒善坊新修縣志版畫燬遺余以  
編查保甲勸捐義穀回巡役奔告乃向天禱候轉西北風火及  
衝署頭門而止雖官民無恙而百年再修之邑乘合邑人三年  
之心力竟付一炬豈六丁取將耶抑尚多厄漏也客慰之曰赤  
烏流耀大啟周文白雉集車再增秦篆南離炎上先生自此升  
而邑人士亦必有炳燭耀為邦家之光者又何必悵然哉余  
曰否否余於戊寅下車即與紳耆謀修縣志見邑之風景與境  
節所記不殊而舊尚則迥與古異數百年來豈無移風易俗卓

然不朽之吏治而竟泯滅無尸致清古之民盡成澆薄上負  
天子教養深心此余所以急於錫修也余去此甫九月今盡為灰  
燼此非邦人之不幸時余之辜客乃啞然笑蹶然起揖余而前  
曰聆子之言深得其故子去此九月復任又期年且無論志成  
之後邑之節婦孝友文人耆宿取次申報神祠報賽橋梁舟楫  
接續修建也而最可垂諸久遠革薄從忠返民俗於清古者莫  
如吾子之編查保甲捐置義穀二大端天其或因桃邑之志已  
成而未載此二端又預知吾子之去而二端隨以泯滅故命焚  
感收其版以期吾子之重編補錄也余曰有是哉天不可知而  
重編補錄期吾民老有所終少有所長平居無盜賊之警水旱  
得倉儲之備漸返清古是則余之志也乃督首士捐錢六百緡  
閱六月而刻工告竣保甲義穀志特詳前所未備及三年內應

桃源縣志 卷之首 原序  
士  
繪者俱附各卷末古云天理長存人心不死雖經劫火而不壞  
吾願桃之人長存此草蕪從忠之心則此志即千萬年不朽可  
也時余陞任承順撫民同知瀕行為之序道光三年仲冬月穀

巨  
授奉政大夫湖南永順府撫民同知卸任常德府桃源縣知縣辛  
巳科同考試官滇南譚震復圖氏序

序六  
志為史體之一而方志則賅及史之全體非三長兼擅未為完  
書近代如武功靈壽諸志卓有體裁尙矣余幼聞會稽章實齋  
先生之論謂志乘雖限於方隅然紀表志傳須略仿史裁視其  
地之劇易參變通焉方可備一邑之掌故而為史家所取裁及  
觀先生所成之承清志和州志信然亦憂憂乎難哉復圖譚君

觀先生所成之承清志和州志信然亦憂憂乎難哉復圖譚君



李桃源之三年以縣志百餘年未修懼後無所考殷勤編輯於道光元年辛巳夏勒成一書付諸剞劂告成未幾旋燬於火復圖復度材鳩工重加鐫刻既成事請序於余會將有閩海之行而農圃亦政成報最擢任承順司馬宦轍分馳後會茫茫農圃盡心文教之意不可沒而余與農圃踪跡離合亦不可弗誌也故爲序其緣起如此至書之體例及續有增加之文備載篇章覽者詳焉道光四年正月福建汀漳龍觀察使前常德郡守張會壽撰

序七

方堃

志本於史而實本於經參於子言志而不衷諸經與子非善言志者也是故義和專命而天三家分野之始也禹貢職方山經水注疆域之始也論法例則周禮先之誌史治則春秋筆之若

桃源縣志

志

夫春秋詳記忠孝節義之倫則又人物之昉也尚書文典風雅句韻藝文之祖也干翼附序卦左氏有外傳拾遺之目也是故夫善志者必踵經而翼以子余師復圖讀夫子以經術爲吏治所至有循聲尤急急於修舉廢墜闡發幽渺戊寅令桃以纂輯志稿囑余余謂不宗經子不足以當夫子之心因就正合符乃操觚從事法制之法周官以吏戶禮兵刑工爲序則用其大綱吏治之宗春秋以編年紀述則效其細目山水法禹貢山經水經則并效其辭物產法爾雅則半參其製至於全書統以疆域政治人物藝文端則又本於朱子儀禮經傳通解之例其他師其意不必效其體而要無不衷諸古籍之遺稿有差謬夫子輒塗乙之楊木巷王槐齋兩年伯又復由此推討反復一稿或三四易書自戊寅迄今三秋舟車風雨未嘗不與俱也惟夫新採

人物真贗難辨余不若本邑人之熟諳文印山朱雨林兩君實分任之至明以前賢才遺逸余亦旁搜不敢謝因憶昔年有讀經癖讀山樞桃山輒妄意爲淵明所記及讀史漢至馬援摩立之英傑讀鄴注至壺頭平山之奇且秀又未嘗不神往於其間前年來桃足之所履皆向之所講習豈其有夙緣耶書成序其梗概如此至於振厲風化裨益治道夫子序之纂詳矣故不贅序八

楊先鐸

邑之有志非徒記山川之秀土物之美文章術業之怪變神奇所以崇德右賢正人心厚風俗使觀者咸有所感發以興起其爲善之心亦守土者化導之一助也桃邑自紫蘿修志後百餘年未有繼者原書亦簡略開多舛謬復圖明府惜其殘缺並念忠臣孝子義士節婦久湮沒於泉壤無以教不善而勸善乃延

桃源縣志

卷之首

原序

志

公戊辰所得士冉亭方副貢纂修之方君性敏捷博學強記是學也分野星度皆手自成圖校正無遺而於山水源流關隘道里遠近獨詳做山水經體要人或疑之者余以爲山經首五山通紀天下之山次海外四經紀五山近外之國海內四經紀五山近內之國次大荒四經又補五山近外之國終海內經又補五山近內之國水經首河水篇前自河而北後循河而南未附山澤又補南北所遺提綱挈領經緯秩然明西安應侯武陵志以沅漸爲綱他水爲目亦本禹貢水經方君非臆造也或又疑志宗史漢紀傳今參編年體不知國史一書半紀傳半編年其來已久且近世郡邑志亦有并事記雜詳戰守一門用編年法者特規模未備耳是皆無所疑也且其意不在此紀星卜災祥也方城限疆界也山河村鎮識險要也戶口賦役瞻庶富也

docsriver 文川网  
入驻商家 古籍书城

在文川网搜索古籍书城 获取更多电子书

官宦人物美政事嘉文學也而有裨於人心風俗尤任忠孝節義之有所觀感而興起焉夫忠孝出於士君子之林傳不傳不爭其名而傳之者固不以名而以實節烈出於婦人女子彼未嘗不欲人以代白其純一不二艱難辛苦之隱方君兢兢詳慎必使舉不遺採不遺器遺則隱德不彰不足以表為善之苦衷而動人以好善之意蓋則奸德厚其列不足以安實心為善之英靈而起人以飾非文過僥倖詭譎之私顯潛德於身後勸修德於生前其於人心風俗之所關非細故也讀是書也忠孝節義之心可以油然而生矣

序九

王步雲

蓋聞善作者功在創善後者功在因創與因無二旨也有實跡而特書之未嘗出自臆度斯創中之因有成編而增削之原屬

桃源縣志

卷之首

原序

七

確有見聞斯因中有創伊古來載籍若林所以闡前光而垂奕葉者類如斯也惟志亦然雲自嘉慶十五年夏分司桃鐸按多士之容止宛見古風覽山川之靈奇如披畫本隨取縣志稽累年之所紀載考數代之所流傳其表見者皆不虛焉顧志防自羅公人瑞倡修至今百有餘歲或不免風雨蝕之蠹魚侵之而其中亦有刪所應刪補所宜補者前屢商前明府相斯續刻旋因斯邑公事孔允修舉不停歲募捐不停時工匠不待役夫眾之總負不停勞彼都人士同心同德皆履屐乎告厥成功而於斯志仍束之高閣未果也戊寅夏公負圖來蒞茲土從簿書鞅掌之暇於一切公舉或勸其成或補其缺固已備殫勤勞而於縣志尤加意續修用是集紳耆糾眾力聘名師擇巨手維時總修分校諸公按地臚跡不遠憂荒據事直書無稍徇護有前

志所略而縷其本末者有前心所詳而節其繁冗者有前志所旌而去其瑣屑者有前志所漏而表厥聲稱者其於忠孝節義為風教所重關仁壽雍和見德澤之深厚者尤為之鄭重提唱於以敦世道而正人心觀斯志也靈洞發幽室之光仙源無遺珠之歎即所謂垂千百世而無以加可也抑猶有說桃邑代有秀良世多靈瑞白馬晴波之所盪漾菴蘿佳氣之所鍾毓月異而歲不同知更有奇士奇踪踵興於山巖水澗聞者未嘗不思附青雲而共顯綴驥尾而齊轡則有待於後之君子著述繼起之力也是為序

同治八年己巳

主修 知縣羅行楷

經始 知縣余 堅

桃源縣志

卷之首

原序

六

同修 教諭曹 鈞

同修 訓導唐正麟

纂修 邑人沙明焯

纂修 邑人郭世欵

分纂 邑人楊沅棟

分纂 邑人程啟甲

序一

子嘗供職宗府兩遇

玉版重修誠以

聖聖相承宗支繁衍若不十年一修則先後兩歧礙難適從也因思

民間家譜固不敢上擬

天潢而各邑之乘應越十數年一修庶可仰副家國一體之意洵千

載一時也前丁巳後子宇桂郡南平亦嘗為之耿耿奈干戈未  
靖一 年未果燕兩寅訓任茲邑彼時前任余公鎮垣方奉  
上憲飭任修理事未幾行遠交卸余接篆仍會同余公延本  
邑李廉沙君明焯郭君世景主稿隨取舊志詳閱自前任譚公  
貫圖撰修數載始成迄今四十餘年屢議續修旋復中止乃知  
經始之不易爰集邑紳楊沅棟等分纂并諭各紳四鄉採訪捐  
貲若干甫及一週告厥成功所有山水人物風土民情前志載  
之詳矣無俟再贅但自軍興以來忠烈遞出如文君樹堂高君  
翼之胡君雲巖皆卓卓可紀他若端人正士以及節孝貞義正  
復多人如不登諸邑乘吾恐愈久而忘終歸湮沒矣以為一邑  
風流於有益世道人心足備軒軒之採者靡不據實而詳錄之  
書成邦人士咸稱快焉且適與予之初志相符因特誌之以待  
桃源縣志 卷之首 原序 九

參考是為序  
欽加運同銜大計卓異題補乾州直隸軍民府知桃源縣事加十級  
紀錄五次羅行楷子模氏撰并書  
序二

邑之有志猶國之有史史所紀錄總謂之志如周官小史掌邦  
國之志外史掌四方之志是以我  
國家文物昌明典章燦著取錄志而菁萃之則有省志有  
大清一統志之修誠不容緩矣戊辰孟夏余履司鐸任與諸紳士相  
見始知桃源縣志自道光辛巳續修後至今已四十餘年其山川  
風土官績人物文學武功以及忠義孝友節烈隱逸時遷嬗而  
事變增廣行實邑侯子模司馬甫下車與利別弊教化一新簿  
書之昭尤以續修縣志為急務進紳士輩而集之越年餘書成

事以序為請余竊惟志之修也非為民父母者留心政治稽  
考文獻大率坐視為無關體要而不肯修在身任纂輯之責者  
又非穿貫古今囊括史冊兼才學識三長即修焉而議論敘述  
之間亦未能自成典則今取其書而覽之博採舊聞纖悉畢備  
異日省志底本即以是為之基焉方今

聖天子登覽暨訖遐邇同風不益見信而有徵哉爰書以弁其端  
欽加升銜揀選知縣道光己酉科舉人常德府桃源縣教習鈞謹  
序三

自古帝王代興宗廟朝廷諸大典禮樂兵農數大政與一切紀  
綱法度莫不有史以傳之若夫體例與史同而覽山川按圖籍  
考核風土人情瞭如指掌則又重有賴於志焉桃源縣志前明  
萬曆時修之

桃源縣志 卷之首 原序 九  
國朝康熙雍正時修之道光元年邑侯譚良園先生又修之迄今  
四十餘年其間人才輩出民氣敦龐與夫農田學校不無增益  
忠孝節烈猶待表揚及今不及懼年湮代遠將散佚而不可復  
收也邑人士懷此慮者亦有年歲丙寅秋七月羅公子模司馬  
以卓異奉

命來尹茲邑甫下車問民疾苦首以息訟相示諭繼乃進紳耆於庭  
而語之曰養民教民司牧責也今者社穀儲凶荒備矣而縣志  
不修其何以示勸懲昭法守紳耆曰唯唯於是選公正士勸城  
鄉捐模翁司馬以楚北名儒為湖南循吏公餘之暇總纂修事  
始於丙寅歲之十月告成於戊辰歲之十月遠稽近考博採士  
大夫私家著述故老傳說彙落乎耳目磅礪乎臆一經刪定  
因溯洄於吏治之得失風氣之純駁民力物產之盛衰排比經

始雖轉往復分門別類燦然大備洵可以信今而傳後也豈不  
靈歟猶憶予司鐸此邑六載於茲嘗因公至鄉厯請勝地見夫  
田疇井然廬舍蔚然垂黃髮雞犬桑麻宛若淵明記中古風  
猶存令人低徊留之不能去謂之仙源有以哉方今

聖天子作人雅化累代相承又得賢司牧振異文藝俾士人薰陶其  
德行涵泳其氣質本學問發爲文章將見科名鼎盛當必有致  
身通顯勳高德懋益增邑乘之光者是又可爲仙源預卜之也  
爰敬爲之序

教授修職郎 國子監典簿銜桃源縣學訓導唐正麟寓吾氏撰

桃源縣志纂修姓氏

主修

欽加四品銜賞戴花翎知桃源縣事加十級紀錄五次 余良棟 人 四川

同修

桃 源 縣 教 諭 謝恩燦 人 長沙

桃 源 縣 訓 導 黃彝壽 人 長沙

纂修

陽進士山出翰林院庶吉士國史館協修二品銜前雲南補用道 劉鳳苞 人 武陵

分纂

圖子 監學正銜前署授南縣教諭 楊沅棟 人 邑人

員 外郎 銜 候選主事 向文奎 人 邑人

員 外郎 銜 候選主事 張大樹 人 邑人

候選 五品銜 州判 張希渠

同 候選 教諭 沙壽琳

優 廩 生 張贊琳

優 廩 生 劉蓬然

增 監修

新 家 時 巡 檢 周浩江 人 浙江

新 家 時 巡 檢 曾開偉 人 湖北

典 監修

史 陳義成 人 江

駐 監修

把 總 李殿龍 人 江

採訪

廩 生 會昭寅

增 貢 生 龍正驥

歲 貢 生 劉鴻翔

舉 貢 人 鄒超南

棟 選 知 縣 舉 人 陳 燮

廩 貢 生 劉開遠

恩 貢 生 陳燮理

候 選 訓 導 馮 鈺

拔 貢 生 余宗伯

廩 貢 生 陳紹倬

附 貢 生 聶鴻猷

附 貢 生 郭興治

廩 貢 生 雷春皆

廩 貢 生 張滋潤

增 貢 生 羅南沅

生 貢 員 游菁華

生 貢 員 羅長奎

生 貢 員 高 翔

附 貢 生 吳良秀

廩 貢 生 王起庚

廩 貢 生 徐雨泉

廩 貢 生 高 彝

廩 貢 員 謝炳榮

桃源縣志 纂修姓氏

監生 加 運 同 銜 姚定安

廩生 藍顯鑑

生 程希洛

生 劉夢齡

生 劉鳳藻

生 魏榮

生 莊世楨

生 江龍羅

監生 馮為瑜

廩生 朱衣

生 胡峻臣

生 游寶珩

童 胡澤厚

童 向 樗

童 籍寫 羅維鏞

生 陳文琳

童 楊慶高

童 羅承烈

繪圖 張吉雲

承辦冊案

書

禮

桃源縣志 卷之首 纂修

三

凡例

一志分十二曰疆域曰營建曰賦役曰學校曰祀典曰兵刑曰職官曰人物曰列女曰尚徵曰藝文曰拾遺總括各條如網在綱如囊挈領星野沿革山川坊村風俗土產六條歸疆域志城池官廨壇廟坊表橋梁津渡隄渠七條歸營建志田賦差徭戶口積貯蠲恤五條歸賦役志 聖宮崇祀學制書院四條歸學校志壇祭廟祭鄉飲賓興四條歸學校志兵制刑制二條歸兵刑志詔令品秩年表政績四條歸職官志選舉仕蹟忠烈孝友尚義篤行藝林隱逸壽流寓方伎方外十二條歸人物志貞烈節孝賢婦壽母四條歸列女志神異災祥古蹟冢墓金石書畫六條歸尚徵志文詩歸藝文志補記天文地理人事物產四條歸拾遺志此全書之目錄也舊志僅分為疆域政治人物藝

桃源縣志 卷之首

文四門雖標目極詳而提綱似形簡畧

一卷分十九首卷繪圖末卷拾遺其疆域營建賦役學校祀典兵刑職官列女尚徵九志各為一卷人物三卷藝文五卷雖卷帙較多而編次各從其類未敢稍涉混淆俾閱者提綱挈領瞭然條分一開卷而瞭然在目

一編次以疆域為先分星所在封域定焉於是城池官廨關隘市廛以及一切除道成梁之事隨時舉修故次以營建營建既周乃溥農桑之利制民之產而貢賦有常經用民之力而徵調有常期故次之以賦役古者先養後教小卯出耕上丁釋菜皆朝廷所有事也故又次之以學校典禮莫大於祭祀防制莫嚴於兵刑宣猷布化莫重於職官故三者又次之至於人物列女徵引不出乎邑境旌揚不遺於齊民往往以匹夫匹婦之遺事流

傳至使賢士大夫式圖而起敬則邑志更為增榮矣若事之無關重要而亦足為採摭之資者則以尚徵志括之其歷代傳記及詩古文詞率皆有涉於仙源風流餘韻不可沒也故附存於後而終之拾遺一卷亦王子年著書命名之遺意焉

一文廟修造不入營建而統歸學校重 聖宮也釋奠儀文不入祭典志而仍歸學校重丁祭也書院義學亦屬營建之大端而並列學校以類相從也編志各有體裁不能以尋常義例限之也

一鄉飲賓興雖非致祭亦屬朝廷大典司正讀律樂譜南陔鄉國賓賢工歌鳴鹿其行禮大抵在廟中有整齊嚴肅之規模焉故列於祀典之後

一各縣志乘不載刑章以刑為常制郡國一體奉行非專屬一邑桃源縣志 卷之首 凡例

一也然監獄所在典守攸關自不可缺而弗祀茲合兵刑為一卷皆屬端緒最好除養安良之大端且備懲創之義焉

一人物志內仕蹟忠烈其最著者皆有列傳而選舉一門或由科舉或由貢選僅著姓名從舊例也至孝友尚義篤行藝林以及隱逸者壽大抵多韋布窮經之士修道德而能文章而其中亦有顯宦名卿併人此類者重其人非重其官正不必以未列仕蹟為疑也

一貞烈節孝賢婦壽母舊志已奉文旌表及光緒十六年新奉文旌表者概存之或著其名並其事或原著其名亦足增輝輝之輝而表寒泉之節其有未獲旌表之節婦貞女亦附誌於後俾賢士大夫闢發其芳焉

一藝文志五卷記載體例倣新化邵顯鶴沅湘首舊集



皆取諸茂陵遺稿其現在名人巨作雖有涉於仙源亦略而弗  
志非惟杜標榜亦遵古人蓋棺論定意也其他金石碑記專以  
事蹟爲重者或附載一二於本事後不在此例

仙源志

卷之五

凡例

五





卷十四

藝文志 文下

記札

書啟

表傳

碑

墓誌銘

賦

卷十五

藝文志 詩上

樂府

五言古

桃源縣志

卷之首

目錄

五

卷十六

藝文志 詩中

五言律

七言律

卷十七

藝文志 詩下

五言絕

七言絕

五言排

七言排

詩餘附

卷之末

拾遺志

天文考

地理考

人事考

物產考

桃源縣志

卷之首

目錄

六

圖象論


易曰仰以觀於天文俯以察於地理古聖人崇效卑法以成參贊之大功故在天成象者亦在地成形道里之遠近與度數相為符合保章氏以星土辨九州之廣狹司徒以土圭測日影之短長此法之漸備者也天文家既詳分野又定為歲差里差之表測度極精然不合地圖以證天象猶不免於管窺舊志準各村坊以正里差繪為圖象明若列眉初不必登臺以望記里以觀也其翼軫分野及北斗三百天市女宿應楚分野諸圖與夫

皇殿


聖宮公署本城祀典諸廟及禮樂局育嬰堂凡因舊而增葺與制者均圖於左外名勝如桃花源桃花林暨八景亦以類

圖附焉


地於天中彈丸耳色又彈丸中之彈丸然一邑之內影有短長極有高低屋有專屬矣嘗考衛商詩圖百里之內影一各變異禮制邦國之城皆例土圭紀分星故并圖之



日在南故南邊影短北則漸長極在北故北境望略高漸南則漸低數百里差一寸數十里皆差一分圖之以見古人土圭制域之義至翼軫諸星方位皆遵新法過宮其不應楚者不或同也



分野異星圖



軫星圖  
桃源縣志 卷之首 圖象

西法翼初度至十六度止第一星在赤道南十六度奇車  
 甌五星古有今無者不復繪入青邱七星古無今有者亦  
 為增入與步天歌軫宿下之青邱不同也至星體橫斜疏  
 密悉依西法距度之數旁畫方格格當三度縱橫計之即  
 得各星距度矣距度不明星野終混故謹焉又赤道外大  
 體弧弦度當斜計可做此推  
 翼下海山等星在南極周圍三十六度之內中州弗見故  
 古書不載近人南至海濱見之故載於明史帝德府北極  
 高二十九度較中州北低七度則南星高出七度按圖可  
 見海山故增繪之至小斗九星南船五星廣海見而常桃  
 不見者亦弗繪也

docsriver 文川网  
入驻商家 古籍书城

在文川网搜索古籍书城 获取更多电子书

西法初度至一度止去赤道十六度奇為軫第一星而軍門二星器府三十二星古有今無者不復繪也明志軫下有青邱三星今考西法無之亦不復繪十字馬尾共七星亦古書所無而近人驗得於海濱者按圖略高常桃可見故增繪之其下更有蜜蜂四星低其弗見亦弗繪也

桃源縣志 卷之四


圖象

四

北斗三台應楚分圖




五車應楚分圖



五車應楚





原縣境全圖